

BATAKURU YAAQUUBA NDUN

¹ Salminaango an min Yaaquuba, oo jiyaado Alla e Iisaa Almasiihu Joomi on, haa e dīi *bolon-daaji sappoo e dīdī saakitiidī e nder aduna on.

Fii Wakkilagol Tampereaji

² Ko onon yo musibbe, si on rewrii e kala noone ndarndandē, haray jogitoree dūn weltaare fow,

³ ko fii hidon andi, ndarndagol gomdinal mon ngal adday ṅaṅṅaare.

⁴ Kono bee ṅaṅṅaare nden wada golle timmude, fii no woniron mokobaabe timmube, e hara on ṅakkiraaka huunde.

⁵ Si goddo e mon ṅakkira faamu, yo o toro dūn Alla, on okay mo dūn. Ko fii kanko Alla ko Yedoowo fow no yaajiri e baawo feloore.

⁶ Kono yo o toror mo gomdinal ngal aldaa e sikkitaare. Ko fii on sikkitiido no wa'i wa morloode ndiyan dan ka baharu, de hendu ndun dūnata yeya.

⁷ Wota sifa on neddo sikku hendoto goddun e juude Joomiraado on,

⁸ on ko neddo sikkitiido, mo tabitaa e laawi mun din fow.

⁹ Yo musiddo miskiino on weltor ko Alla towni mo kon,

¹⁰ aldudo on kadi weltora ko Alla tippini mo kon, bay fii makko on feyyiray wa piindi ngesa.

11 Si naange ngen fudii, nge toowidii e nguleendi magge muusundi ndin, hinge yornude kudi dɪn, piindi majji on saama, ɲari majji on bonta, ko non alɗube ben saamirta e nder golle mabbe den.

12 Maloore wonanii on neddo ɲajjiido ndarndande den, ko fii si o dartike ndarndande den, o hendoto *meetelol ngurndan, ngol Joomiraado on fodi yidube mo ben.

13 Wota hay gooto wi'u e nder ko jarribetee kon: «Ko Alla jarribii mi.» Ko fii Alla jarribortaake ko boni, kanko kadi o jarribotaako hay gooto.

14 Nde jarribaden woo, ko himmeeji bondi di wondufen dɪn woni en poodude murtina.

15 Bawto dɪn, himme bondo on fuda haa rima junuubu, si junuubu on kadi heewii, o rima mayde.

16 Wota on dɛaynito, yo musibbe an yidaabe,

17 kala dokkal moyyal e kala dokkal timmungal ko ka dow iwrani en, e immorde e Baabaajo ndayguuji dɪn, on mo waylotaako, mo dowdi mun dillataa,

18 on Woodintinirdo en Daaluyee makko goongaajo on no o yidiri non, fii no laatoren dikku-ruube e tagu makko ngun.

Fii Huutorgol Daaluyee Alla on

19 Andee dɪn, yo musibbe an yidaabe, yo neddo kala yaawu hedade, nenna si yewta, nenna si tikka.

20 Ko fii tikkannde neddanke nden laatintaa peewal ngal Alla yidi ngal.

²¹ Awa sertee e kala ko tuuninta e kala bonki layuki, jabiron newaare daaluyee aawaado e mon on, dɗun ko on waawuɗo dandude wonkiiji mon dɗin.

²² Wonee huutoroobe daaluyee on, hara hinaa on hedotoobe mo tun, si hinaa dɗun, haray onon tigi on dɗaynitoto woni.

²³ Ko fii si godɗo hedfike daaluyee on, o huutoraali mo, haray himo wa'i wa nedɗo wondo tintaade, yi'a yeeso mun ngon.

²⁴ Si o gaynii ndaaritaade, o yahii, o yejjita kisan ko honno o wa'i.

²⁵ Kono on wafuɗo giide mun dɗen ka nder sariya timmuɗo, dɗun ko on sariya rindinoowo, o tabiti, hara hinaa fii hedagol yejjita, kono hara ko huutorgol, onɗon wonay malaado e nder kala ko o wafata.

²⁶ On mo sikki ko dewo, e baawo waawugol dɗenngal mun ngal, haray on dɗaynii hoore mun, ngal dewal ko meerewal.

²⁷ Dewal laabungal, ngal aldaa e koju ngal yeeso Alla Baabaajo on, ko dankagol aliyati-imaabe ben e dankagol keynguube ben e nder sateendeeji maɓɓe dɗin, e rentagol e tuundiiji aduna dɗin.

2

Hajagol fii Burdindingol

¹ Musiɓɓe an, ɓay ko on gomɗinɓe Iisaa Almasiihu Joomi men mo darja wonani on, reenee e burdindingol yimɓe.

2 Si wattiido hurundaare kanje, bornii concii dimi aru e naatude ka *moftal mon, baaso kadi borniido concii yakkiidfi ara e naatude,

3 si on hittinii fii borniido concii dimi on, on wi'ii mo: «Onon toolii mon ka ndad'dudi doo!», wi'on baaso on: «An daro daa!», maa: «Joodo ka ley koyde an doo!»,

4 e hara on wadaali sendondiral hakkunde mon onon tigi? E on jaawiraali miijooji bondi?

5 Heditee, yo musibbe an yidaabe! E hara hinaa miskinbe ben ka aduna doo Alla subii fii no be wonira aldube e nder gomfinal ngal, e heboobe gebal e laamu ngu o fodi yidube mo ben ngun?

6 Kono onon, on hersinii baaso on. E hara wonaa aldube ben woni on tampinde, naba on ka jaawirdi?

7 E hinaa ben woni hoynoobe innde teddunde nde inniradon nden?

8 Kono si on doftike sariya mawdo on, wano bindi din wi'iri non wonde: «Yo a yidfir jokondo maa on wano yidirdaa hoore maa non»,^a haray on wadii ko moyyi.

9 Kono si on burdindinii yimbe ben, haray on wadii junuubu, Sariya on no jogori on wa bonnudo Sariya.

10 Ko fun wadi, on mo yeddi yamiroore wootere e nder Sariya on, hay si o doftike deya heddiide fow, haray o wonii bonnudo Sariya on fow.

11 Ko fii on Wi'udo: «wota mo jeena», no wi'i kadi: «wota mo itta hoore.» E hin-le si

a 2:8 2.8 Lew. 19.18

on wadaali jinaa, kono on ittii hoore, haray on wonii bonnudo Sariya on.

¹² Awa yewtiree huuwiron wa yimbe jaawiroyteebe Sariya rindinoowo on.

¹³ Ko fii jaawoore nden aldanaa mo yurmetaake e yurmeende, kono yurmeende nden foolay jaawoore nden.

Fii Hakkunde Gomdinal e Kuugal

¹⁴ Musibbe an, ko nafa hondun woodani neddo wi'ugol himo mari gomdinal, si o alaa banginirde dun kuude? Taw si sifa ngal gomdinal no waawi dandude mo?

¹⁵ Si musiddo men gorko maa bandiraawo men no holi, no njakkiri jaametee kadi pande woo,

¹⁶ goddo e mon ara e wi'ude ben: «Yahee e jam, bornodon, jaamon haa haaron», e baawo jonnugol be ko balli mabbe din handi e mun kon, haray ko hondun dun nafata?

¹⁷ Gomdinal ngal kadi ko wano non: si ngal aldaa e kuude, ko ngal mayngal kangal tigi.

¹⁸ Kono si goddo wi'ii: «An hida mari gomdinal e min mido mari kuude», haray min mi wi'ay mo: «Hollan gomdinal maa ngal e baawo kuude, min non mi hollirte gomdinal an ngal kuude an den.»

¹⁹ Hida gomdini ko Alla gooto woodi? No moyyi! Jinnaaji din kadi no gomdiniri non, haa hidi diwna.

²⁰ Ko an yo njoofojo! Hida faalaa faamude wonde gomdinal ngal aldaa e kuude ko meere-wal?

²¹ Enee, wonaa ko Ibraahiima, on maamiraawo men, wadunoo kon fewndo o weebiti *Issaaqa bidfo makko on fii layyagol ka *layyorde kon wadi si o jogitoraa feewudo?

²² A yi'ii, gomdinal ngal yaadii e kuude makko den, awa kadi ko kuude makko den timmini gomdinal makko ngal.

²³ Ko non ko bindi din wi'i kon laatori: «Ibraahiima gomdini Alla, ngal gomdinal makko jogoranaa mo peewal», haa o noddaa gidfo Alla.

²⁴ On yi'ii, ko sabu kuude den nedfo on jogoraa feewudo, hinaa sabu gomdinal ngal tun.

²⁵ Enee, oo cagaajo wi'eteedo *Raabi, kanko kadi, taw si hinaa sabu kuude den o jogoranoo feewudo fewndo ko o wernunoo nulanoobe fii tefugol ben, o holli be laawol goo ngol be rewa?

²⁶ Wano tawiri non bandu ndu aldaa e ruuhu ko mayndu, ko wano non kadi gomdinal ngal aldaa e kuude ko mayngal.

3

Fii Hubindagol Denngal

¹ Musibbe an, wota buy e mon himman jan-nugol, ko fii hidon andi enen jannoobe ben en jaawete jaawoore burnde sattude.

² Ko fii en fow en waday ellaaji di tawata ko nooneji duudufi. On mo wadaali ella e nder kongufi, haray on nedfo ko timmudo, waawudo hubindaade bandu mun ndun fow.

³ Si en wadii lagambe den ka kundule pucci din fii yo di dofto en, haray en huutoray kadi balli majji on fow.

⁴ Ndaaree kadi, dee laafe e njanfude mun, ko hendu dolnundu nabata de, hide ardoree aalahun burkun fanfude ka naboowo on faaliraa don.

⁵ Wano non, denngal kadi ko terun fandukun, kono hingal waawi mantorde piiji mawdi. On yi'ii wano giitun tosokun waawi sunnirde buruure mawnde?

⁶ Denngal ngal kadi ko yiite, hingal heewi boneeji, hingal tawdaa e tere bandu men ndun, ngal tuuninay bandu ndun fow, ko ka yiite jahannama ngal hubbinaa, ngal sunnaye ngurndan men dan fow.

⁷ Kala noone kulle, wano colli din e ko daasotoo kon e kulle den ka nder ndiyan, no hubindoo, den-le nedfanke no hubindii de.

⁸ Kono denngal, hay gooto waawataa ngal hubindaade. Ko bone mo waawotaako hubindaade, hingal heewi tooke warooje.

⁹ Ko kungal mantirten Ben men Joomiraado on, ko kungal kadi hudirten yimbe tagaabe e mbaadi Alla ben.

¹⁰ Ko e kon hunduko wooto du'aa e kuddi yaltata. Kono yo musibbe, wota dun wonir non.

¹¹ Taw si ndiyan weldan e ndiyan haadufan no tubba e bundu wooturu, hara ko e ngayka woota?

¹² Enee musibbe an, hara yibbehi no waawi rimude kaccu, maa piyahi rima yibbe? Ko wano non kadi, bundu ndiyan landan waawataa tubbinde ndiyan weldan.

Fii Faamu Iwrungu ka Dow ngun

¹³ Ko hombo e hakkunde mon mari faamu e hakkil? Yo o banginir dun jikku makko moyyo on wondude e kuude newiide iwruude e faamu.

¹⁴ Kono si tawii hidon mari ka berde mon nawliigu tiidungu e haasidi, haray wota on mawnintino, e wota on yeddu goonga on.

¹⁵ Sifa ngun faamu hinaa ka kammu iwri few, ko ngu aduna e ngu nedfanke e ngu Ibuliisa.

¹⁶ Ko fii, kala ka nawliigu e haasidi woni, ko don kadi jii boldu e kala noone kuude bonde woni.

¹⁷ Kono faamu iwrungu ka Alla ngun, ko adii taho, ko ngu laabungu, awa kadi ko ngu buttu, ko ngu newiingu, ko ngu deeyinayngu, heewungu yurmeende e kuude moyye, ngu aldaa e burnondiral e faasiqankaaku.

¹⁸ Ko tabintinoobe buttu ben aawata e nder buttu kon, rimay peewal.

4

Fii Doftagol Alla, Yankinanoo Mo

¹ Ko honto dee poodotire e dee yeddondire hakkunde mon iwri? E hara hinaa faaleeji bondi woni wadude hare ka berde mon?

² Hidon himmani, kono on alaa hebude. Ko on waroobe, ko on miilaabe e baawo waawugol hebude hay huunde. Hidon wondi e yeddondire e poodotiro. E hin-le on hendotaako, bay on alaa toraade,

³ maa hidon toraade, on alaa hebude, bay hidon tororde anniyee bondo fii no huutoriron dun fii faaleeji mon.

⁴ Ko onon, yo jamaa jinoofe! E on andaa yidugol aduna on ko apugol Alla? Awa si godfo no faalaa yidude aduna on, haray o waditike gapo Alla.

⁵ On sikku bindi din ko wi'i kon ko meere, wonde: «Alla no nawlani ruuhu mo o wadi e men on.»^b

⁶ Kono ko o furi en yedude e ko mawni kon ko sulfu. Awa e hino ko bindi din wi'i kon: «Alla liddoto mawnintiniibe ben, o yeda jippinbe hoore mun ben sulfu.»^c

⁷ Awa yankanee Alla, dartofoon Ibuliisa, dfun o dogay, o wodfoo on.

⁸ Badee Alla, dfun o badoto on. Labbinee juude mon den, yo onon junuubankeefe. Labbinon berde mon den, yo onon sikkitiibe.

⁹ Woytee, yoomon, wullon. Yo jaleede mon den wontu yoomugol, weltaare mon nden wonta bidagol.

¹⁰ Jippinee hoore mon yeeso Joomiraado on, dfun o bantoyay on.

¹¹ Wota on jakkini bee doo maa bee daa, yo musibe an. Mo jakkini musidfo mun, maa jaawii musidfo mun, haray ko Sariya on o jakkini, o jaawi. Si a jaawii-le Sariya on, haray hinaa a huutorfo mo, kono ko a jaawoowo mo.

¹² Ko fii ko Gooto pet woni Wadfoowo Sariya jaawa, dfun ko on Waawudfo dandude e mulude. An non, ko a hombo, si hida jaawa jokondo maa?

Fii Mawnintinaare e Townitaare

^b 4:5 4.5 Maa: «Ruuhu wondo ka bernde men on ko nawludfo fota.» ^c 4:6 4.6 Tin. 3.34

¹³ Ko onon, yo wi'ube jooni: «Hande maa jango men yahay e ndee saare doo, men wona ton hitaande, men wadfoya ton godfun, men heba tono.»

¹⁴ Onon on andaa toode no ngurndan mon dan wonirta jango. Ko on norngal feepungal fii saa'ihun nii, bawto fun muta.

¹⁵ Ko haanufon wi'ude: «Men wuuray, men wada dundoo maa dundaa, si Joomiraado on jabii.»

¹⁶ Kono jooni, hidon mawnintinaade e nder townitaare mon. Sifa nden mawnintinaare fow ko bonnde.

¹⁷ Si goddo no andi moyyere nde o haani wadufe, o wadaali fun, haray o wafii junuubu.

5

Fii Hajagol Aldube ben

¹ Jooni non, yo onon aldube, wullee sowru tiidundu, sabu tampereji aroyaydi e hoore mon din!

² Ngalu mon ngun bonii, concii mon din mooyii,

³ kanje mon den e kaalisi mon on kornii. Kori mun on immoyto seeditoo e hoore mon, jaamira balli mon din wa yiite. On moobii ngaluuji e nder dee palaade sakkitore.

⁴ Njoddi ndi on yobaali wa'ube gese mon den ndin no woytaade e hoore mon. E woyaadi sopitube ben arii haa e noppi Joomiraado Jom Bawde on.

⁵ On wuuririi ka aduna doo e nder mbeleefe e ko foti. On fayinii hoore mon e ndee jalaande nde hirsetefon e mun.

⁶ On jaawii, on warii feewube be dartaaki on.

Fii Yondinaare

⁷ Awa mujjee, yo musibbe an, haa nde Joomi on ari. Ndaaree no remoowo habbori copal tiidungal, ngal o habbori mujal haa ndiyan setto e ndiyan dabbunde tobba.

⁸ Onon kadi mujjee, tabintinon berde mon den, ko fii ardu Joomi on ko badiidun.

⁹ Wota on nermindir, yo musibbe an, fii wota on jaawe, bay Naawoowo on no darii ka yeeso dambugal.

¹⁰ Musibbe an, yettee misal tampere e mujal ben annabaabe yewtube e innde Joomiraado on.

¹¹ Ndaaree, hiden wi'a maloore wonanii ben jajjiibe. On nanii fii jajjaare Ayyuuba nden no wowlee, awa kadi on yi'ii ko Joomiraado on wafani mo kon ka sakkitorun. Ko fii Joomiraado on ko heewudo giggol e yurmeende.

¹² Ko adii kon taho, yo musibbe an, wota on woondir kammu ngun maa leydi ndin, maa kala ko woni e woondoore. Ko yo «hiiyii» mon on wonu «hiiyii», «oo'o» mon on wona «oo'o», fii wota on wonu e nder jaawoore nden.

Fii Tororgol Gomdinal

¹³ E hara goddo e mon no e nder tampere? Yo ontigi toro Alla. Kaa hara goddo e mon no e nder weltaare? Yo ootigi beytu.

¹⁴ E hara kadi goddo e mon no nawni? Yo ontigi noddu ardotoobe *moftal ngal, bentigi toranoo mo e hoore juurugol nebban e hoore makko e innde Joomiraado on.

¹⁵ Toraare wadiraande gomɗinal no sellina nawnuɗo. E hoore ɗun, Joomiraado on imminay mo. Si tawii ontigi no wadi junuubi, ɗi yaafante mo.

¹⁶ Awa, qirritee junuubaaji mon ɗin hakkunde mon, toronɗiranon kadi, fii no sellinireɗon. Torndeeji ɗi aaden feewuɗo torii ɗin ko dolnuɗi duncayɗi.

¹⁷ Ko fii Iliiya kadi hari ko neɗɗo wa'unooɗo wa men nii, nde o duuminoo e toraare fii wota ndiyan aru, ɗan ronki arude ka hoore leydi e nder duubi tati e lebbi jeegoo.

¹⁸ Bawto ɗun kadi o torii, kammu ngun sammini ndiyan, onsay leydi ndin funtini ko rimata biɓɓe.

¹⁹ Ko onon yo musibɓe an, si godɗo e hakkunde mon selii goonga on, godɗo artirii mo,

²⁰ haray andee, on ittudo on junuubankeejo ka o selunoo ton, artiri mo ka laawol, haray o montii junuubaaji ɗuudufuɗi, o dandii wonkii mayde.

**Version Pular Fuuta-Jallon
The New Testament in the Fouta-Jallon Pular
language of Guinea**

copyright © 2010 Pioneer Bible Translators

Language: Pular

Translation by: Traducteurs Pionniers de la Bible

Contributor: Pioneer Bible Translators

This translation, published by Pioneer Bible Translators, was published in 2011.

If you are interested in obtaining a printed copy, please contact wab.admin@pbt.org.

The translation was completed in collaboration with Christian Reformed World Mission.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-02-06

PDF generated using Haiola and XeLaTeX on 18 Apr 2025 from source files dated 29 Jan 2022

024b8126-79ef-5039-bc54-7d61889f8ae6